

小謨觴館詩文集注

小謨觴館詩集注卷第六

錢唐孫元培纂輯

長熙

備書集二

丙辰迄戊午

淮安三首

赤緊江南郡洪波浩浩侵片城低過水估楫密於林卜
有升虛望人懷去絳心怪來詩思減只作越人吟

去絳見左成六年傳

王粲登樓賦莊舄顯而越吟

李善注史記陳軫曰昔越人莊舄仕楚執珪有頃而

病楚王曰亦思越不對曰凡人之思故在其病也彼

思越則越聲不思越則楚聲人往聽之猶尙越聲也

鐵鹿排堤堰高墉面碧流重臣防伏汎行子禱陽侯誰
擅疏排策長懸昏墊憂水衡錢不易蟻穴謹神州

漢書宣帝紀以永衡錢爲平陵徙民起第宅
韓非子喻老篇千丈之隄以螻蟻之穴潰

財賦東南地頻更水滂年流亡稀雁戶輪轉困梟錢給
復

皇心軫揚仁吏治先哀鴻非易集善體

澤如天

隋書食貨志墾租皆依貧富爲三梟上梟輸遠處中
梟輸次遠下梟輸當州倉 漢書高帝紀沛父兄請
日沛幸得復豐未
復迺并復豐比沛

陸包山百碎圖讚四首

隨世亦墮落一物一尻首冷笑媧皇駢忙煞補天手

列子天瑞篇皮膚爪髮隨世墮落注世當作生 莊
子大宗師子祀子綦子骀子來四人相與語日孰能

以無爲首以生爲脊以死爲尻孰知死生存亡之一體者吾與之友矣司馬貞補史記三皇本紀女媧乃煉五色石以補天按蓋取淮南子文也

畫作天地爐碎爲萬物銅只有一滴水不壞毘嵐風

賈誼鵬鳥賦陰陽爲炭兮萬物爲銅 翻譯名義集毗嵐風此云迅猛風大論北方風不能動須彌山毗嵐風至碎如腐草段成式詩一角不動毗嵐風

云何是常住非碎非非碎佛言八解脫此言大三昧

八解脫見般若經 水經注阿難於中河入火光三昧燒身而般泥洹又翰林志學士下直出門謂之小三昧出銀臺門謂之大三昧言去纏縛而得解脫也

陶輪擲恒河磕空碎不完百億閻浮提應作如是觀

維摩詰經斷取三千大千世界如陶家輪著右掌中擲過恒河沙世界之外 翻譯名義集南瞻部洲舊

日間浮

提洲

題惲南田山水畫冊十首

春嵐積翠做馬璧

連天一色碧翁翁不是吳峯是越峯料得南屏持戒日
畫禪叅徧玉芙蓉

陶穀清異錄晉出帝不善詩
詠天日高平上監碧翁翁

臨文待詔古樹圖

語錄依稀記苦瓜寒林圖合道林又嬉春一任時人眼
細柳紅樓說馬家

按釋清湘有苦
瓜和尚畫語錄

江山勝槩圖

碧水丹厓萬里長一縑粉本肖南唐江山如此清空景
怪道東坡戀武昌

蘇軾煙江疊嶂圖詩君不見武昌樊口幽絕處東坡先生留五年

做趙大年寒鴉圖

麝煤花果弟兄行題句涪翁墨尙香爭似聯翩寫鴉尾
和他蘆雁伴鴛鴦

山谷題大年圖有雖有珠簾巢翡翠不忘煙雨罩鴛鴦之句

黃庭堅題宗室大年永年畫調麝煤作花果殊難工永年遂臻此殊不易

撫子久浮嵐暖翠

畫山不畫米家山一笑春風盡破顏曾否芙蓉湖畔住

看雲樓也構三間

大痴每作畫必登樓觀雲氣變幻以爲布置見畫苑

臨黃鶴山樵松壑吟泉圖

松篁寒玉寫秋姿
筆壓烏程老畫師
絕憶清風茗雪路
道場山下立多時

撫巨然溪山秋靄圖

黛掃秋山宿霧空
白門禪筆妙關仝
宗風念取傳衣日
幾許深情到諦公

按畫家稱荆關謂荆浩關仝也諦公明僧諱暉南田少時嘗依之

同王子石谷游虞山劒門作圖

擘開青玉似褰斜
石屋雲深有幾家
未免山人笑游客

玉杯只泛尙湖花

蘇軾廬山二勝詩壁間青玉峽飛出兩白
龍 國朝吳偉業詩玉杯春暖尙湖花

瀟湘夜雨

詩情清峭夢華醒老隱東園寫洞庭豈有滄桑瑤怨在
楚天風雨感湘靈

李成寒山雪霽圖

雪棧冰澌粉墨痕山明松磴露霜根北風振觸龍堆夢
銀海搖花認雁門

蘇軾雪詩光搖
銀海炫生花

題錢舜舉貢葵圖同張子白作

槐新翠蔭蛾眉班玉階如肪拜百蠻銀鋸奇珍間師象
殿腳百怪羅神姦四尺風猗稱善狗花鬘貉子雙繩手
盛朝豈忘旅葵書要遣遐荒効奔走呼韓使者朱作程
偷撐碧眼瞻龍庭袞衣玉座儼不動九天仙樂風泠泠
粉本閭家畫貞觀當年王會雲霞爛先生故是小朝人
虛費明光摹一段景定之間畧可數封疆不到黃龍府
同鶻琛無玉勒鞍蒲端貢絕紅鸚鵡末季蕭閒鄉進士
舜舉宋景定間鄉貢進士侏儻任昧鋪張侈閭馬安能致遠人冰簟
只見迎金使應憶熙淳全盛年橐駝五百馬三千吮豪
繪出思周意或比詩人賦下泉否則厓山風雨日紅兜

滿地悲王室卻把豐亨想盛唐看來同有滄桑恤六百
年間事無定咸賓除是興王稱露紛魁頭墨半顰蘭桺
桂梲丹猶瑩拓上開邊白雁誇父閭風物果誰家卽看
茗雪丹青本何異東京說夢華

蘇軾詩風動槐龍舞交翠玉海侍從官先入分行
侍立謂之蛾眉班逸周書王會解注短狗狗之善

者也

唐貞觀中閭立本有王會圖

世說曹毗才

如白地明光錦裁爲負販袴

宋史眞宗紀回鶻可

汗貢玉勒鞍名馬寶器蒲端國獻紅鸚鵡

宋季三

朝政要寶祐中閭妃恃寵馬天驥丁大全用事無名

子書八字於朝堂日閭馬丁當國勢將亡

趙彥衡

雲麓漫鈔賀正多值冰雪有司作浮筏前用巨碓搗

冰謂之冰簪以迎北使按雍熙淳化皆宋太宗年

號宋史太祖紀乾德三年回鶻於闐進馬千匹橐

駝五百頭

續通鑑綱目帝昺祥興二年元張宏範

襲厓山張世傑兵潰陸秀夫負帝赴海宋亡

歸田

詩話元廢宋故宮爲佛寺西僧皆戴紅兜故楊廉夫
宋故宮詩用紅兜押韻後漢書東夷傳大率皆魁
頭露紛輟畊錄朱季江南謠曰江南若破白雁來
過蓋指伯顏丞相也孟元老東京夢華錄序僕今
追思回首悵然豈
非華胥之夢覺哉

題錢舜舉春社圖和子白作

黃鴉穀穀鳩雨晴十家五家挈隊行神錢花鼓各霑醉
紙上一片酣嬉聲斜陽萬條翠隴明前後人影交敲傾
桃花如雲攔路迎千紅笑與酡顏爭社公酒足神應享
禾黍今春定豐穰歸來穩臥三重茅不怕催租打門響
玉潭畫人兼畫神一一想見羲皇民如金王度不可倣
繪此熙皞堯天春不隔南阡與東畝太和盎盎歌盈阜

須知天子萬年觴只視春農一杯酒鄙人家住東吳東
桑柘亦有蓬蒿宮三升治蠶看人醉醒眼妬煞鷄皮翁
薑稜瓜區都賣卻牛王廟前鄉夢惡無田無酒我不惜
惜此身當太平日不然摹取先生筆攬身人圖添我一
有手不把犁與鋤請君卷卻春社圖

陸游詩臥聽黃鴉穀穀聲陸師道題舜舉春社圖
詩玉潭先生腕有靈後漢書班超傳超上疏日日
見西域平定陛下舉萬年之觴海錄碎事俗傳社
日酒治耳聾李文公談錄李相濤春社寄詩云社翁
今日沒心情爲
乏治蠶酒一瓶

書陳眉公雜題畫冊詩後二首

辛苦風騷雲壑身釣磯名肯老鱸莼校書藏印尙書跋

都是徵君傳裏人

筆花飛燦墨花濃
丐字遙知徧九峯
應笑牆東老牛儉
一生祇解作耕傭

淮安郡齋九日題盛子昭山水趙仲穆書歸去
來辭合裝長卷

聊蕭落葉鳴窗牖
客裏花糕作重九
西風蓬蓬惱鄉思
愁入胸中起堆阜
不無騷怨擬三閭
那有高情方五柳
天公似憐太岑寂
故遣江山落吾手
武塘一匹東絹好
煙水千層黛痕厚
林壑蒼茫彭澤耶
湖船約莫潯陽否
裝池况合宋王孫
墨妙真繼鷗波叟
淚斑莫問到林筵

稅稅分明思畎畝橫卷書成歸去來富貴於人復奚有
明廷好事作聯璧三絕標題應不苟當作江湖招隱看
無乃風塵笑誰某悠然南山不可見冷落東籬等閒負
古人何心慕栗里賤子忽思安井臼統如二鼓登高歸
鐙火天涯鎮相守縑素催愁有底長雲煙過眼眞非偶
此書此畫且莫看爛醉猶存白衣酒

夏文彥圖繪寶鑑盛懋字子昭魏塘人善山水人物
花鳥趙待制遺稿許初跋云趙仲穆書克紹松雪

家學時
能亂眞

徐武功詞卷墨蹟

卷長三丈餘草書
似素師極雄宕

殺士口扶天手奇功可邀不可久金齒歸來雪盈首學

作謝太傅竊比裴令公東山綠野事豈同浮雲蔽日苦

乃翁

皆用詞中語

新詞琅琅書更敏傲太湖精作蛟蜃墨花

怒卷字低昂但覺老驥聲中唾壺緊曹石輩良可哀側

注冠安在哉愛才獨有西村客墨寶流傳照後來

此卷武功

書與史

明古者

王鏊明紀天順元年徐有貞石亨張軌等薄南宮城壞門而入奉上皇升奉天殿復位逮少保于謙等下獄有貞曰不殺于謙則此舉爲無名明史徐有貞傳以奪門功進兵部尙書太監曹吉祥錦衣衛世職有貞意未慊請於石亨曰願得冠側注從兄後亨入言之尋封武功伯後謫雲南金齒李頤贈張旭詩皓首窮草隸時稱太湖精吳寬跋武功詞卷翁自賜環後放情山水有感輒於詞發之明古舊爲翁所知愛得此數篇示予朱彝尊明詩綜詩話史鑑字明古吳江人有西郵集

哭前亳州刺史裴立齋六首

哀問三秋至親朋一哭同病還
勤滴露天遽奪扶風挂
劍遺言在懸刀昔夢空平生知已淚愁絕是吳蒙

高駢步虛詞滴露研朱點周易

後漢書馬融傳字

季長扶風茂陵人也

劉向新序季札脫劍帶徐君

墓樹而去徐人嘉而歌之曰延陵季子今不忘故脫

千金之劍今帶邱墓

晉書王濬傳夢懸三刀於臥

屋上須臾又益一刀主簿李敦賀曰三刀爲州

字又益一者明府其臨益州乎果遷益州刺史

蕊榜傳韶歲松山試冷官問奇來百濟織句徧三韓大
雅扶輪易浮生駐景難何人哭遼海振觸舊經壇

藝林伐山世傳大羅天放榜於蕊珠宮故曰蕊榜

盛京志錦州有松山杏山

晉書簡文帝紀遣使拜

百濟王餘句爲鎮東將軍領樂浪太守

後漢書東

夷傳韓有三種一日馬韓二日辰韓三日弁韓

宋

史梅堯臣傳有人得西南夷布弓衣其織文乃堯臣詩也 李賀詩不見年年遼海上文章何處哭秋風

夢蝶莊周宅猶龍李耳鄉一官書上考千石重循良家

法唐中令經師漢后倉譙陵行部地孰奠寓公觴

唐書選舉志一中上考復進一階一上下考進二階又盧邁傳會考課固辭上考 漢書循吏傳序孝宣嘗稱曰與吾共此者其良二千石乎 唐中書令謂裴晉公度 后倉見漢書儒林傳

宦海誠多故鴉音鳩毒侵蒼生虛望眼青鬢謝朝簪閒
煞經綸手拋殘利濟心東山想安石流恨滿焦琴

不道三年別俄成地下遊功名摧半道心力枉千秋遺
籍諸郎護豐碑眾口留誰成名宦傳莫忘小黃侯

有約來淮浦秋風把濁醪報書成絕筆揮涕罷登高路